

Vlada Crne Gore je, na sjednici održanoj dana 11. februara 2021. godine, razmotrila **Informaciju o obavezi uspostavljanja jedinstvene baze podataka / Centralni registar odobrenih kontribucija sa fiskalnim pokazateljima**, koju je dostavilo Ministarstvo vanjskih poslova.

S tim u vezi, Vlada je donijela sljedeće

ZAKLJUČKE

1. Vlada je usvojila Informaciju o obavezi uspostavljanja jedinstvene baze podataka / Centralni registar odobrenih kontribucija sa fiskalnim pokazateljima.
2. Zadužuju se ministarstva da Ministarstvu vanjskih poslova dostave podatke o odobrenim kontribucijama sa fiskalnim pokazateljima, u skladu sa smjernicama/procedurama koje će Ministarstvo vanjskih poslova utvrditi u saradnji sa Ministarstvom finansija i socijalnog staranja.
3. Zadužuje se Ministarstvo vanjskih poslova da, do 20. aprila 2021. godine, uspostavi Centralni registar odobrenih kontribucija sa fiskalnim pokazateljima.
4. Zadužuju se ministarstva da, u roku od sedam dana, imenuju službenike koji će Ministarstvu vanjskih poslova, u cilju vođenja detaljne evidencije, dostavljati precizne informacije o finansijskim kontribucijama koje nadležni resor plaća, kao i informacije o pravnom osnovu za plaćanje.
5. Zadužuje se Ministarstvo vanjskih poslova da sredstva za kontribucije realnije planira u odnosu na preduzete obaveze, u skladu sa međunarodnim ugovorima i sporazumima, kako bi se izbjegla preusmjeravanja sredstava u toku godine i isplate iz tekuće budžetske rezerve.

GENERALNI SEKRETAR
Božo Milonjić

Dostavljeno:

- Dr Dritan Abazović, potpredsjednik Vlade Crne Gore
- Sva ministarstva
- Mr Ivana Malović, šefica Kabineta predsjednika Vlade
- Komisija za ekonomsku pol. i fin. sistem

